

NY VALOSOA

Gazety misheho intelo isan-kerinandro
(Talata - Alakamisy - Sabotsy) VAOVAO

Talata 1 septambra 2020

Laharana 1061

Vidiny : 400 Ar

Préfet an'Antananarivo 3 8**Jiro sy ranon'ny JIRAMA 7**

Manao tsinontsinona ireo mpanolotsaina TIM

Tsy voavaha ny fahatapatapahana

**TSY FANDRIAMPAHLEMANA 6**

Jiolahy 8 lahy nanafika
ny foiben'ny FITRAMA
67 ha

**Fanadinam-panjakana Cepe 6**

Manomboka amin'ity andro
ity ny andiany voalohany

Ady amin'ny asan-dahalo 6

Avotra ilay zazalahy kely nataon'ny
dahalo takalon'aina sy omby 124

Fanatanjahantena 6

Tsy misy famahana ny olana
fototry ny baolina kitra

TIKO Vatofotsy Antsirabe 7

Olympiko : rano
natoraly madio sahaza
ny olon-drehetra

www.gvalosoa.comgvalosoa@yahoo.com

facebook : gazety valosoa rakoto

Daka kely

Mbola mampitangoron'olona foana
ialahy ry Boaikely a !

Valanaretina coronavirus 5

Niampy iray ny lavo omaly, 20
ny tranga vaovao, 30 no sitrana

Centre de Commandement Opérati				Haus
LUNDI 31 AOUT 2020				by
NOUVEAUX CAS	HER	CUMUL	DIFF	Nb. TESTS
				PCR
GUERIS	13802	13832	+ 30	57 927
EN TRAITEMENT	847	836	- 11	GENEXPERT
FORMES GRAVES	53	45	- 8	5 734
DECES	191	192	+ 1	CONFIRMES
				14 863

BETSARA MARYSE, TIM SAMBAVA

TIM hatramin'ny taona 2002, hatramin'izao ary ho TIM hatrany

Tafaresaka tamina mpikambana amin'ny antoko Tiako i Madagasikara (TIM) iray avy any amin'ny faritra ny gazety dia ny mpikambana iray avy amin'ny TIM Sambava, faritra Sava BETSARA Maryse, 37 taona.



Mpikambana anatin'ny antoko TIM Sambava, Région SAVA izy nanomboka tamin'ny taona 2002 hatramin'izao ary nianilaza izy fa tsy hiala fa ho TIM hatrany.

- Inona no antony nidiranao TIM?

- Ny antony nidirako amin'ny antoko ity dia satria tiako ny foto-kevitra hijoraoan'ny Antoko sy ny filoha mpanorina azy Marc Ravalomanana.

- Inona aminao no atao hoe olom-pirenena?

- Olom-pirenena zegny, Olona iray mizaka zo feno amin'ny Firenena misy azy.

- Ary ny "fitiavan-tanindrazana" aminao?

- Zany fitiavan-tanindrazana zany raha amiko manokana dia tsy tia tena ary tsy mangoron-karena, fa manao izay fomba rehetra hahasoa ny Tanindrazana.

- Inona no atao hoe" politika"?

- Politika dia fomba iray hitantanana ny tanàna sy ny Firenena mba hampandroso azy.

- Inona no neverinao fa tsy mampahomby ny fampandrosoana ny firenena?

- Ny tsy mampahomby ny politika eto Madagasikara dia be fitiavan-tena ireo mpanao politika ireo, ka lasa mivarina amin'ny resaka kolikoly.

- Inona ary no tianao hambara amin'ireo olona tsy miraharaha politika loatra?

- Ny tiako koragniny amin'ireo tanora namako dia mba hifoha amin'izay, fa fotoana tokony hifohazana izao satria ilaina ny fanaovana politika. Sady tokony hiara-handinika fomba hampandrosoana ity firenena hiaraha-manana ity.

- Inona no irinao ho an'ity firenentsika ity?

- Mba hiala amin'ny kolikoly mba hisian'ny fampandrosoana.

- Inona no andraikitra tianao ho raisina amin'ny fampandrosoana ny firenena?

- Ho solombavambahoaka hanara-maso ny fampandrosoana tokony hipetraka aty amin'ny faritra misy anay.

- Inona no paik'ady tokony hisy ho fampandrosoana an'i Madagasikara aminao?

- Ny raha tokony hisy eto mba hampandrosoana firenena dia famoronana asa ho an'ny tanora. Fampidiana ireo investisseurs vahiny mba hampiasa ny volany eto Madagascar.

Nangonin'i Stefa

Kaominina Antananarivo renivohitra

Gejain'ny ben'ny tanàna Vazahabe ny fiainan'ny mponina

Fifano hizan-javatra tamin'ny fanjanahantany ve ny zava-mitranga eo amin'ny tanànan'Antananarivo renivohitra amin'izao fotoana izao? Ny zava-misy, miha-hiharan'ny geja amin'ny endriny samihafa ny fiainan'ny mponina. Ny zavatra re taorian'ny fivoran'ireo Mpanolotsaina Monisipaly niaraka tamin'ny ekipa mpiara-miàsa amin'ny Ben'ny tanàna tao anatin'ny telo andro tamin'ny herinandro lasa iny no nisintonan-kevitra. Nambara tamin'izany, fa misy zavatra tokony hampakarana ny vola fandoa amin'izany tsy nahetsika, fa ny tsy tokony indray, indrindra amin'izao krizi ari-pahasalamana sy ari-tsosialy izao, no nam-pakarina ary nidangana. Ohatra amin'izany izay nambara ny trano villa

izay telo alina ny hofany ary tsy nahetsika; fa ny hetra na ny sazy amin'ny fiara, ny fikitihana zavatra hamboarina amin'ny trano fonenan'ny mponina nakanina, sns... Ho tantara fotsiny koa sisa ny kianjan'ny demokrasia eo Ambohijatovo, havadika se-hatra hafa izy io, ary nin-dramana volabe amina miliara ariary amin'ny Banky iraisam-pirenena. Izany hoe nuditra trosabe ny kaomina Antananarivo renivohitra (CUA), ary mazava loatra, fa ny mponina ihany no tsy maintsy hibaby izany amin'ny fandoavana azy handritry ny taona maro. Tsy maintsy hiakatra ireo hetra takiana amin'ny mponina amin'ny fandoavana io trova be io. Ankoatra ireo, mbola eo ihany koa, ny fandravana isan-karazany ataon'ny Ben'ny tanàna sy ny eki-

pany ary mpanolotsaina vitsivitsy amin'ireo toe-ram-pivarotana maro eto an-drenivohitra ary natao izay hampahantra ireo mpivarotra ao anatin'izany. Mazava loatra, re-hefa mihena ny fidimbola ary mikorontana ny fihariana sy ny fivelomana tsy maintsy mizotra mankany amin'ny lalan'ireo sahirana sy mahantara efa marobe tsy tambo isaina eto amin'ny tanànan'Antananarivo izy ireny. Ary fahitana ny raharaha dia toa iniana atao mihitsy ny hivarinan'ny olom-pirenena, ny tokantrano sy fianakaviana ho any amin'izany lalan'izany. Ary maro no efa noterena hiditra sy haina amin'izany amin'izao fotoana izao, ankoatra ireo mpivarotra ireo. Anisan'izany, ireo mponina aman-jatony maro ao amin'ny orinasa "Triple A" sy Magro, izay nakan-tona andro vitsy lasa izay. Marefo ny fiainan'ny mponina eto Antananarivo renivohitra, raha tsy hilaza afa-tsy izay ihany aloha. Ambany ny fari-piainan'ny maro amin'ny ankabopeny, latsaky ny roa dolara. Hany ka raha vantany vao misy fikorontanana ny fihariany sy fivelomana, toy ny mitranga ankehitriny, dia mikorosy mankany amin'ny fahantrana lalina. Tsy ao anatin'ny fandaharan'asan'ny Ben'ny tanàna mihitsy anefa ary tsy ho vitany velively ny ham-piakatra ny fari-piainan'izy ireo sy ny mponina amin'ny ankabopeny. Ny fapanopethana sy fanagejana ny fiainan'ny mponina anefa ity no mahamaika toy ny misy zavatra tiana hahatongavana eo amin'ny lafiny politika.

Sôh'son

Antenimierandoholona

Nahitana fahombiazana ny fiaraha-miasa tamin'i Rosia

Alohan'ny handaozany an'i Madagasikara, ka hahavoatendry azy hisahana andraikitra hafa dia tonga natantanteraka fitsidihana fanaovam-beloma ny Filohan'ny Antenimierandoholona Rakotovao Rivo, tao amin'ny Lapa maitso Anosikely, Andriamatoa Stanislav Anvarovich Akhmedov, Ambasadaoron'ny Federasional'i Rosia mipetraka sy monina eto Madagasikara, ny zoma teo. Nanotrona ny Filohan'ny Antenimierandoholona, Rakotovao Rivo tamin'izany ny loholon'i Madagasikara isany Rajaonarivelô Pierrot, Filohan'ny Vaomiera iraisam-pirenena, Ratongavelonahary Modeste, Filohan'ny Vaomieran'ny atitany, ny fanajariana tany sy ny fanapariaham-pahefana. Naneho ny fisaorany ny Antenimierandoholona Andriamatoa Stanislav Anvarovich Akhmedov, tamin'ny fiaraha-miasa tamin'ity Andrimpanjakana ity nandritra ny fito taona niasany teto Madagasikara ary nambarany ihany koa fa tena nahafa-po tokoa ny fiaraha-miasa tamin'ny Firenena Malagasy iray manontolo. Nohararaotiny ity fiahoanana ity nitanisany ireo zava-bitän'ny firenena Rosianina teto Madagasikara nandritra ny fotoam-piansy, notsongainy tamin'izany ireo fampiofanana maro

samihafa nomena ireo mponina ambony nifanakalozana traikera, ireo fanaovan-tsionam-pifanarahana fiaraha-miasa isan-karazany, ireo fanampiana izay nomena ireo sekoly tany amin'ny faritra Atsimo, ireo tetikasa goavana izay natao tany Atsimo ihany koa, ireo fanampiana amin'ny ady atao amin'ny valan'retina, ny farnamboarana hopitaly manerana ny faritany sns... Mampanantenay izy fa aorian'izao valanaretina izao dia mbola hitohy hatrany ny fiaraha-miasan'ny firenena roa tonta.

Ny Filohan'ny Antenimierandoholona Rakotovao Rivo kosa dia nilaza fa ny firenena Rosianina dia anisan'ny firenena isokafan'ny firenena Malagasy eo amin'ny lafiny fiaraha-miasa ary ny fampandrosoana an'i Madagasikara hoy izy dia tsy maintsy mila ny fiaraha-miasa amin'ny firenena avy any ivelany hatrany. Nolazainy ihany koa, fa nahitana fahombiazana tokoa ny fiaraha-miasa tamin'ny Firenena Rosiana indrindra teto anivon'ny Antenimierandoholona. Nisaotra ity Ambasadaoro ity ny tenany ary nirary soa azy amin'izay asa manaraka hanendren'ny Fireneny azy.

Isambilo

Ny Valosoa sy fakafaka

Fitondrana Rajoelina

Mamilivily ny saim-bahoaka tsy hifantoka amin'ny olany

Toe-javatra maro eo amin'ny sehatra samihafa no mitranga eto amin'ny firenena amin'izao fotoana izao. Misongadina amin'izany ny lafiny politika sy ny sosialy. Iry lafiny voalohany dia miompana eo amin'ny fikatohan'ny antenimiera roa ao anaty fivorianana momba ny lalàna amin'ny fididianana sy ny fitsapan-kevi-bahoaka ary ny momba ny harena an-kibon'ny tany. Ny fahitana azy dia toa ihazakahana ny amin'izany noho ny resaka kajikajy politika, izay efa fanaon'ity fitondrana Rajoelina ity hatramin'ny naha teo amin'ny fitondrana azy izay. Toy ny nataony tany amin'ny fotoanan'ny tetezamita tamin'ny taona 2010 nikonomonkana ny lalampanorenana ny zava-misy. Niara-hahita sy niaina ary nibaby ny vokatr'izany, izay tsy nitondra soa ho an'ny firenena sy ny vahoaka. Ny fihetsik'ireo solombavambahoaka ao amin'ny vondron'antoko miaradia amin'ny fitondrana ankehitriny, miatrika izao fivoriana tsy ara-potoana izao, dia mampanahy be ihany.

Ny lafiny sosialy, dia iaraha-mahita ny zava-misy, fa toy ny vay an-kandrina ka sady maharary no maha-menatra. Ny fahitana ny raharaha koa eto, dia toa ezahina izay hanaronana sy hampangina ny olana manjo ireo tokantrano voadingana tsy hisitraka ny fanampiana, ny fizarazarana sy ny fakàna samy ho azy ny mpiara-monina, mbamin'ny fisaraham-bazana eo aminy. Hatreto, tsy mbola mivaha ny olambahoaka eny anivon'ny fokontany eo amin'ny fiainana ara-tsosialy na eo aza ny fihetsiketsehana be ataon'ny fitondrana etsy sy eroa. Fihetsika hanakonan'olana ihany ireny rehetra ireny, fa ny zava-misy tena tsy mbola milamina dia ny fahasahiranam-bahoaka. Tsy ny tokantrano sahariana rehetra no voatsinjo tamin'ny fanampiana "vatsy sosialim-bahoaka", fa ny "tsinjo fameno", sy ny sisa efa nanavakahana fianakaviana Malagasy maro isam-pokontany. Any amin'ireo kaomina manodidina ny renivohitra dia aretim-po sisa no tsy tonga ho an'ireo tsy nisitraka ny fanampiana kanefa tena sahirana sy marefo ary tena miharitra ny mafy tokoa ireo. Ireo ilay sokajin'olona tsy nivakian'ny fitondrana loha ary tsy olana ho azy izay manjo azy ireo. Fitondrana mpanao zanak'lkalahafa. Ankoatra ireo, mitaraina koa ny any amin'ny faritra fa tsy mba nahazo izany tosika sosialim-bahoaka izany koa izy ireo, nefo samy sahirana izao ihany hoy ny fitarainana noho ny fihibohana amin'ny hamehana ara-pasalamana ity.

Toy ny iniana avily ny fijerin'ny vahoaka tsy hifantoka amin'ireo olana iainany isan'andro, sy hanariana dia azy tsy hibanjina ny kajy politika tiana ketrehina hahatongavana eto amin'ity firenena ity. Zotra politika anefo io, izay mazava loatra, fa tsy mitondra mankany amin'izay hanarina ny fiainam-bahoaka marina sy hamerina tanteraka ny firenena amin'ny hasiny maha Malagasy azy.

Sôh'son



Ny fanaovam-beloma ny filohan'ny Antenimierandoholona, nataon'ny Masivo'hon'i Rosia teto amintsika.

Ny Valosoa sy hadihady

Fanarenam-pirenena : mbola ho ela ny gasy vao ho tafarina

Iraha-mahalala fa voafintina ao amin'ny « velirano 13 » ilay boky IEM mirakitra ny fampandrosoana an'i Madagasikara, rehefa nandeha ny fampielezankevitra tamin'ny fididianana filoham-pirenena ny faran'ny taona 2018. Iraha-mahalala ihany koa ny vokatry ny fididianana izay niteraka resabe na dia teo aza ny faneken-dRavalomanana Marc, mpifanandrina tamin-dRajoelina Andry Nirina, ny vokatra navoakan'ny Fitsarana Avo momba ny Lalampanorenana (HCC) tamin'ny fihodinana faharoa. Ankoatry ny hosaoka maro samy hafa dia nambaran'ny filoha lefitry ny Vaomieram-pirenena Mahaleotena momba ny Fididianana ny marina momba ireo « doublons » tao anaty lisitra, izay efa niisa an-tapitrisa sy ny laharana mitovy karapanondrom-pirenena amana hetsiny. Niteraka savorovoro ara-politika sy nandaniana rano-mainty nanoratana izany an-gazety kanefa dia nahita fomba hafa nisarhana ny sain'ny gasy ny mpitondra ka nampanjelanjelatra ny tetikasa "Tanamasoandro" izay nifanehitra tamin'ny fandavan'ny mponina ankit-sirano izany, ka angamba, voavely mafy loatra dia nilentika ao anaty rano tsy nipoitra avy ao aloha hatramin'zao. Na izany aza dia niteraka savorovoro ihany koa ity fanapahan-kevitra maimaika neverina handamin-javatra kanjo ny nifanohitra tamin'izany no nitranga. Toa tonga eo alohan'ny mpitondra hatrany anefa ny baolin'ny fanavotana (bouée de sauvetage) tamin'ny nitondran'ny Barea avo ny voninahitry ny baolina kitra malagasy. Toa niray hina sy nampiseho fiaraha-mientana teo amin'ny gasy tokoa ny zava-bitant'ny ekipam-pirenena malagasy iny. Fahazavana mitsilopilopy ao anaty haizi-mikitroka anefa ireny satria tonga indray ny fididianana kaominaly izay toy ny fididianana rehetra izay tsy ilaozan-gidragidra, teo ihany koa ny resaka fitakiana ireo nosy manodidina izay tsy nahafahan'ny mpitondra niala ilany, fa dia nambaran'ny RFI ny filohan'ny Repoblika, Rajoelina Andry Nirina, fa famerenana azy ireo ho anisan'ny faritanin'i Madagasikara ary nanambara izy fa ho tanteraka nialohan'ny fankalazana ny faha-60 taonan'ny namerenana ny fahaleovantena izany. Tsy fahadisoan'izan'iza izany fa nisompatra ny faniriana

ny areti-mandoza « Covid-19 sady mbola hisy ny 26 jona amin'ny taona manaraka rehetra raha tsy mety ho vita alohan'ny 14 oktobra 2020 izay hankalazana amin'ny fomba manetriketrika ny fety tsy azo notan-terahina ny 26 jona lasa teo. Tsy miravina akory ny olana teo aloha dia nipoitra indray ny resaka fanarenana ny Rovan'i Manjakamiadana izay tsy famerenana amin'ny toetrany teo aloha no ataon'ny fitondrana, fa fanovana tanteraka tsy misy fanajana ny maha vakoka iraisam-pirenena io Lapa io. Ankoatr'izany dia nandalo fanakianana mafy, tsy avy eto an-toerana ihany fa hatrany ivelany amin'ny alàlan'ny Unesco ny fanorenana ilay « Kianja Masoandro » ho solon'ny « Lapa Masoandro » tsy tafatsangan'ny Mpanjaka vavy Ranavalona III. Nihevitra foana ny mpitondra amin'izao fotoana izao fa maranin-tsaina ka mahita fomba hanodinana ny saim-bahoaka, zara aza nisy ny aretina Covid-19 izay nahazoana fanam-piana vola tsy toko tsy forohana avy any ivelany, ka hampanantena ny vahoaka fanarenana ny fiafiana ara-tsosialy izay nikoroso fahana noho ny hamehana sy ny fihibohana. Mety amin'izao fitondrana izao ny manangana rafitra mirazotra amin'izay efa mipetra mba hanomezana « patsa idray mahandro » ho an'ny akama hanamafisan-toerana. Ny sefom-pokontany no enjehin'ny mponina sy ny filohan'ny Repoblika ho manao risoriso kanefa ny any ambony mihitsy no mandrimbina izay heverina fa anjara tokony ho azy. Mipirina fotsiny ireo olana rehetra ireo ary tsy mbola resy tanteraka ny aretina dia efa nandroso vahaolana aorian'ny hamehana ny mpitondra amin'ny alàlan'ilay « Plan Marshall » izay manome vahana ny fanorenana fotodrafitsara izay tsy hitondra fampandrosoana velively ara-toekarena satria inona ny tombontsoa ho azon'ny mponin'Antananarivo amin'ny fanorenana « Fly over » eny Anosizato sy Ampasika. Ny tranon'ny mponina eny amin'ny faritra iny aza no ho ravana raha ho atao tokoa izany tetikasa izany. Izao no tonga amin'ilay fitenenana hoe: « ny toky fitaka fa ny atao no hita ».

Andry Tsiavalona

Préfet an'Antananarivo

Manao tsinontsinona ireo mpanolotsaina TIM

Tonga teny amin'ny prefektoran'ny polisy teny Tsimbazaza omaly tolakandro, ny mpanolotsaina monisipaly avy amin'ny antoko Tiako i Madagasikara (TIM), hanontany ny valin'ny taratasy fangataham-panazavana napetrak'izy ireo mahakasika ny fanaparam-pahefana ataon'ny ben'ny tanàna, Vazahabe: Naina Andriatsitohaina amin'ny fanapahan-kevitra raisiny samirery momba ny fan-

dravana tsena, ny fapanahana ny fifanarahana mahakasika ny MBS sns... eto amin'ny kaominina Antananarivo Renivohitra (CUA). Namaly ireto mpanolotsaina ny sekretera mpitondra tein'ny prefektoran' ny polisy tamin'ny valiteny boribory, fa taratasy tsy nisy adiresy no napetraky ny mpanolotsaina TIM dia tsy afaka namaly an-taratasy izy. Efa novaliany tamin'ny fahitalavitra sy

onjampeo ary ny gazety ny valiteniny araka ny hafatra napetrany tamin'ny sekreterany. Vokatr'izany, noraisin'ireto mpanolotsaina monisipaly ho fanaovana tsinontsinona azy ireo ny fihetsik'ity solontenam-panjakana eto amin'ny tanànan'Antananarivo Renivohitra ity. Aleon'ny Préfet hoy izy ireo nanao valandresaka tamin'ny mpanao gazety toy izay hiresaka mivan-tana aminay. Diso fanan-

tenana izahay hoy izy ireo satria tanàna iarahama-nana Antananarivo, ka tokony hifanerasera satria samy tompon'andraikitra avokoa. Dia ho hita eo ny ho tohiny, fa tantara mbola hitohy ireo rahahaha ireo satria tsy hipe-tra-potsiny amin'izao ireo mpanolotsaina ny Tanàna Tiako i Madagasikara (TIM) araka ny nambaran'izy ireo hatrany.

Helisoa

Fanabeazana

Diploma mora ny diplomaon'ny sakoroka sy ny fihibohana

Misy tokoa ny diploma azo tamin'ny mora nandritry ny vanim-potoanan'ny sakoroka teto Madagasikara, tsy inona izany fa ireo fanadinana natao tamin'ny taona 2009 andron'ny tetezamita, ka na dia taom-pianarana fohysy sarotra aza dia nanomezana tombontsoa ireo tsy ampy fahalalana hatrany na dia efa ambany aza ny salan'isa azo. Tiana ny milaza etoana fa ireo mpanala C.E.P.E tamin'ny taona 2009 ohabatra, dia efa taona faha-2 na efa hanomana ny licence mihitsy amin'izao

vanimpotoana izao eny amin'ireo Oniversite sami-hafa, na miankina na tsy miankina amin'ny fanakana toy ny eny: Ankatsa, Inscae, Uprim, Aceem sy ny sis... Tsy vitsy tamin'ireo zandry, zanaka, tamin'izany fotoana izany no nanipy teny ankehitriny, nilaza hoe: diploma mora azo tamin'ny tsy antony ireny, efa kely ny tokin'aina nefy mba afaka ihany, ka faly nahazo io diploma sakoroka io. Ankehitriny indray dia mi-hàtra eto amintsika ity C.E.P.E hafa kely ity, ny ta-

ranjam-panadinana dia atao arakaraky ny zavatra vita, volana nianarana, afaka manala koa anefa raha ankizy eto larivo ohabra no taraiky any amin'ny faritra, ka mampiseho ilay taratasy fiantsoana. Sam-banya koa no hisy fanadina intelo miantoana fa tsy miaraka atao izany marenena ny Nosy. Hita araka izany fa fa toa tsy misy lanjany intsony indray ity CEPE ity, ka ambaran'ireo ankizy fa toa diploma mora ao anaty fihibohana indray izany. Marina hoy ireo ankizy, fa ao anaty hamehana ara-

pahasalamana ny firenenya amin'izao fotoana izao, nefy na dia fotoam-pivavahana atokana ho azy ireny aza ve, mba ho fangataham-pitahiana ireo rehatra hanala fandina dia voarara amin'izao fitondrana Rajoelina izao, nefy raha ny Eglisy sy Tempoly na fiangonana ohatra, dia azo inoana fa ho voahaja hatrany, aha-fahana mikajy ilay 50 issy ny sasa-tanana ary ny fanaovana ireo aro-tava miampy ilay 1 metatra izay tsy maintsy hajaina.

Beharo

ANDRY RAJOELINA

Mampanonfy sefo fokontany fotsiny

Nataon'i Andry Rajoelina ho ren-tany ren-danitra, fa ho-mena solosaina avokoa ny fokontany rehetra ho fanatsarana ny asany amin'ny fiandreketana ny mponina ao aminy. Efa am-bolana maromaro no nilazany tamin'ny fotoana nitsidihany ny fokontany teny Ivandry ao anaty boriborintany fahadimy. Mandraka ankehitriny anefatsy re intsony io resaka io, fa ny karnem-pokontany indray ity no imatimatesany resahana etsy sy eroa. Tsy misy intsony filazana ny amin'ny hanatsarana ny fitavvana ampisain'ny sefo fokontany. Vao nahare iny resaka iny aloha ny mpanara-baovao, dia efa nahafantatra fa izay indray ilay fampantanenana poak'aty ataon'ny filohan'ny Repoblika. Niandry ny fahamarinan'izay fomba fiheverana izay fotsiny ny maro, ary dia izao iarahama-hita izao ny zava-misy. Rehefa mandeha amin'ny toerana iray ny filohan'ny Repoblika, dia tsy maintsy mahita holazaina hatrany hampanofinofisana ny vahoaka. Ny fanatanterahana azy anefa tsy mbola fantany akory ny antsipirany. Fafiry amin'ny biraom-pokontany eto amin'ny firenena no manana rian'aratra azony ampiasaina andefasana izany solosaina izany? Tsy ny sefo fokontany rehetra ihany koa no afaka hikrikira azy. Santionany amin'ny zavatra mbola miandry ireo mialoha ny hametrahana izany solosaina any amin'ny biraom-pokontany izany. Tsy lavina, tena ilaina amin'izao vaninandro ankehitriny izao, indrindra toy ny any amin'ny biraom-pokontany rehetra, ny solosaina. Ilàna fandinahana lalina anefa ny fanatanterahana amin'ny fametrahana azy, fa tsy tenitenenina fotsiny, dia avy eo tsy tanteraka akory. Io dia efa fantatry ny rehetra fa Filoha mpandainga sy bela-zao fotsiny no misy eto Madagasikara.

Sôh'son



TONONKALO

Ny fahamehan'ny mpitondra

Tato ho ato dia novana ny hevity ny fahamehaha, Ka nanjary toa nidika ho karazam-panenrehana? 'Reo mijoro manakiana dia asai-mikombom-bava, Izay no hevitra fonosin'ito atao hoe "arotava" ?

Tato ho ato dia novana ny hevity ny fahamehaha, Ka nanjary niova endrika ho karazam-pamotehana? Dia narodana daholo ireo izay tsara efa nijoro, Na nanaovana hevi-petsy, nanirahana mpandoro ?

Tato ho ato dia novana ny hevity ny fahamehaha, Ka natao izay tsy hisian'ny ankolafy hafa firehana ? Tena hevitr'olon-tokana, 'zay no hany hahindrahindra, Fa dia hoe ny fidedahana, io no lehibe indrindra ?

Tato ho ato dia novana ny hevity ny fahamehaha, Fa toa tsy avotra ito sambo f'eo an-dalam-pilentehana ? Dia ny petatoko sisa no hany toka-nofinidy, Sy noheverinao mpitondra mba hatao fanalahidzy ?

Maika anie no fototeniny sao tsy fantatrao akory e ! Aoka ho maika ianao mpitondra f'aza dia matoritory. Izany maika izany anefa, tsy midika velively Hoe hiteti-dravitoto toy ny atao-dry boaikey !

TSIMIMALO (27-08-20)

RAHARAHAM-PIRENENA

Merci Prezidà hono e !

Teny vahiny midika hoe misaotra ny « merci », mahazo ny heviny avokoa ny malagasy rehetra ary efa samy kinga daholo amin'ny fampiasana io « merci » io.

Fa ny tsy azo hamaivanna dia ny lafiny ara-pinoana, satria ny vavaka tena izy dia tsy maintsy misy ny fisiorana « ilay telo izay iray », ka izany indrindra no itondrana ny fanamarihana etoana, satria nomena vahana nandritra ny fitondrana Rajoelina ny andian-teny hoe : « merci prezidà », ka ilay isaorana amin'io dia sokajiana ho zanahary kely mihitsy, ka na tsy izy aza no nahazoana ny fahombiazana dia ny anarany no tanisaina.

Mbola samy mahatadidy isika ny fahombiazana azon'ny Barea tamin'ny taon-dasa, ekena fa nisy ny anjara biriky nentin'ny fitondrana ary adidiny izany, satria izay ny maha mpitondra azy, marihana ihany koa anefa, fa ny fitondrana Rajaonarimam-pianina koa dia nanao ny ainy tsy ho zavatra ka nahaftita ny Barea, ny marina dia namantam-bonona ny fitondrana ankehitriny, kanefa dia disoana tanteraka ilay serasera amin'ny alalan'ny fivozana ny hoe « merci prezidà », ohatran'ny hoe niakatra teny ambony kianja nandaka baolina ilay prezidà.

Tsy izay ihany fa amin'ny lafiny maro, vao nahazo vahana ny aretina « koronavirus » tany ivelany tany, dia nanambara ny mpitondra fa tsy ilaina ny manidy ny sisintany dia injay ilay feo nanao hoe : « merci prezidà », kinanjony tafiditra teto amin-

tsika ny valanaretina vokatry ny fitavozavozan'ny fitondrana, izay voatery tsy maintsy nandray fapan-han-kevitra nanidy ny sisintany dia mbola velona ihany ny hoe : « merci prezidà », nefafa tara loatra.

Ireny niaraha-nahita ireny ny lesoka isan-karazany tamin'ny fitantanana ny ady amin'ny valanaretina, ny tsy fisian'ny mangahara amin'ny fampiasana ireo fanampiana avy any ivelany, dia mbola natao litania ihany ny hoe : « merci prezidà » kanefa aleo dia tsorina ny marina fa ny fanampiana avy any ivelany dia natolotra ny fitondrana amin'ny analan'ny vahoaka malagasy, izany hoe ny anaran'ny vahoaka malagasy no nenti-nangataka tany ivelany, kinanjo nony hizara ny ampanahy kely tamin'izay azo dia dradrardraina, fa fanomezana avy amin'ny filoha ka « merci prezida » no ventesina, na vola notrosaina aza izany, ka ny vahoaka Mqalagasy iray manontolo no hibaby azy.

Itondrana fanazavana misimy ny mikasika ny fiparitahan'ny valanaretina, satria manana ny ampanahy be dia be tamin'izany ny tsy fahaiza-mitantana avy amin'ny fitondrana, anisan' izany ny famoriambahoaka tsy amim-piheverana, izay ni-teraka ny fifindrana ary Ingahy Filoha tsy afa-miala amin'izany, ny mampio-mehy moa dia ny fanadio-vantena nataony ka nanambarany, fa ny famoriambahoaka mihiboka hono no tsy mety, mifanohitra tanteraka amin'ny nambaran'ny Pr Volo-lontiana Hanta MD ny nambarany, kanefa dia mbola

mahazo sitraka ny filoha amin'ny hoe : « merci prezidà », na dia mandika ny lalàna misy azy izy mahakasika ity hamehana arapahasalamana ity.

Mikasika ilay fanampiana tampimaso izay miova anarana isak'izay mandahe dia mibaribary ny zaravilana sy ny fijerentavan'olona kanefa dia mbola heno ny fandokafana amin'ny hoe : « merci prezidà ». Momba ilay vola ampi-samborin'ny Cnaps avy amin'ny volan'ny mpiasa sy ny mpampiasa avy amin'ny sehatra tsy miankina, izay voizina mafy fa fampindramambola tsy misy zana-bola hono, ka rariny raha miteny hoe : « merci prezidà », kanefa anie ny zanabola kajiana amin'ny vola nomena no tsy misy fa hita mibaribary ny fihenan'ny sandambola, io tsy mitsaha-mi-tontongana io ny ariary ary ny sondro-bidy vokatrizany, dia miteraka ny fandoavána be noho ilay vola nomena.


Fa ny tena mampivarahontsana dia ny nanjo ireo teratany malagasy ni-hitsoka tany ivelany nandritra ny volana maromaro, izay aoka hazava hoy ilay impanao politika iray izay, fa ny olompirenenia dia mananjo hody amin'ny tanindrazany, porofon'izany ny fisian'ireny fiaramanidina avy any ivelany maka ireo teratany vahiny mbola nihitsoka teto, nataon'ireo mpitondra avy any amin'ireny firenena ireny ho laharapahamehana mihitsy ny fampodiana ireo mpiray tanindrazana aminy, fa ny antsika kosa dia navela hijaly volana maromaro tany ivelany ireo malagasy, nisy mihitsy

aza ny namoy ny ainy, nandrasana hitalaho sy hitomany izy ireo ary nitaina hoe : « vonjeo izahay prezida fa mijaly aty an-tanin'olona », dia mazava moa ny tohinfa nampodiana ireo mpiray firenena amintsika dia nia-katra ny feo nanao hoe : « merci prezidà ».

Ny mpitondra dia olomboafidy, noho izany dia natao hanompo ny vahoaka mpifidy ary ao anatin'ny fanetren-tena tante-raka no tokony hanaovany izany adidy masina izany. Tsikaritra anefa fa tamin'ny fitondrana ankehitriny dia natao diso tafahoatra loatra ny fanan-dratan-tena tamin'ny alalan'ny serasera, fa ny vahoaka malagasy akory tsy bado fa misaina sy mandinika fatratra na tsy miloa-bava aza, anisan'ny tsy eken'ny sain'ny malagasy ny fizahozahoana tsy amin'antony satria sady mivavaka amin'Andriamanitra « ilay telo izay iray » ny malagasy, no mandala ny fahendrena navelan'ny razana ihany koa. Tsy maintsy mbola ho avy ny fotoana hampi-sehoan'ny vahoaka malagasy ny fahasahiany ary haneho izany amim-pitoniana sy amim-panajana izy, satria ny vady rehefa tsy tiana aza dia hisarana, ary ny mpitondra koa rehefa nahafeno ny kapoaka nampisotroin' ireo vahoaka ireo dia omena ny fisaorana sa-haza azy, amin'izay fo-toana izay dia hiova ny hevit'ilay hoe : « merci prezidà », ny dikany amin'izay dia hoe bye bye prezidà fa efa tsy izy intsony ianao !

Ny Valosoa

Sakafo Ny Valosoa



Totonkena sy tsaramaso mena indray no laoka amin'ny Sakafo eto amin'ny gazetinao androany, azo atao ridritra izany, azo atao ketsaketsa asiana saosy koa miaraka aminy. Dia matoa homana tompoko.

NY VALOSOA sy Mahaso

Ny soa azo avy amin'ny persil, ny voasaramakirana ary ny celeri

Ny soa azo ara-pahasalamana avy amin'ny persil, ny voasaramakirana ary ny celeri indray no Mahaso eto amin'ny gazetinao androany. Ny persil, ny voasaramakirana ary ny celery dia fanafody natoraly fanadiovana ny voa (rein), nhys rà ary ny havokavoka. Fomba fikarakarana azy : alaina ny persil sy ny voasaramakirana ary ny céleri dia tetehina madinika avokoa ary atao anaty vilany na casserole efa madio tsara. Rehefa vita izay dia tapohina rano 3 litatra ary ampangotra-hana mandritra ny 30 minitra eo ho eo, izay vao azo ampiasaina.

Fomba fampiasana azy : sotroina indray kaopy isaky ny maraina mandritra ny iray volana izany.



NY VALOSOA sy Mahaliana

Ny tanànan'i Bemanevika any amin'ny distrikan'i Sambava, faritra Sava

Ny tanànan'i Bemanevika any amin'ny distrikan'i Sambava, faritra Sava indray no Mahaliana eto amin'ny gazetinao androany. Renivohity ny kaominina Bemanevika ity tanàna ity. Iva toerana izy satria 10 m eo ny haavony mihatra amin'ny ranomasina, izany hoe manakaiky ranomasina ity tanàna ity. Andalovan'ny reniranon'i Bemarivo koa izany tanàna izy. Toy ireo kaominina maro ao amin'ny distrikan'i Sambava, vokatra any an-toerana ny voly fanondrana lavanila.



Mazotoa mihira

Hiova kely isika amin'ity ka hiran'olon-tokana indray no atolotra anao, ho anao te hitory fitiavana kanefa somary miahatra, hirao ity hira ity fa hanampy anao.

TSY SAHIKO
Salomon

Tsy sahiko, ny hilaza izay kasaiko Manjary, ny miteny aza toa tsy haiko Rehefa tafaraka mitokana eny isika Misalasala aho, finaritra mijery anao sariaka.

Manahy aho sao lasa vazivazy Izay teny ataoko Ka manjary ho simba ho azy Dia fihiniko ny faniriana Niaretam-piafiaiko mangina.

Hitanao anefa fa tsy miery Ny masoko mijery Mifanena tsy nahy aminaio Izay hitako mandinika ahy Fantatro, fantatro fa tia ahy ianao Fantatralo, fantatralo fa tiako ianao

Mpihira : Salomon
Mpamorona: Naly Rakotofiringa

TAX RAMIARANJATO

Ankasomparana atao'ny mpitondra ny raharaha AAA Magro sy ny MBS

TARARESAKA TAMIN'I TAX RAMIARANJATO, IZAY MPAMAKAFAKA POLITIKA NY GAZETY NY VALOSOA VAOVAO, MOMBA NY TOE-DRAHARAHAM-PIRENENA AMIN'IZAO FOTOANA, INDRINDRA MAHAKASIKA NY ANTSOJAY ATAO AMIN'NY ORINASA AAA MAGRO, SY NY HAINO AMAN-JERY MBS.

- Gazety Ny Valosoa Vaovalo (GNVV) : amin'ny maha-mpamakafaka politika anao, ny fahitanao ny raharaha Mbs, ahoana ny mahakasika izay?

- Tax Ramiaranjato (TR) : ankoatran'ny TVM dia ny MBS no anisan'ny fahitavitra niniana nodorana tamin'ny fanonganampanjakananotarihan'i Andry Rajoelina tamin'ny taona 2009, satria nane-lingelina ny mpanongana. 11 taona aty aoriana, mbola tsy maty voalavo an-kibo izy ireo, ka mitady ny fomba rehetra indray, resaka tanimpanjakana no olana? Koa maninona no tsy alaina daholo ireo tanimpanjakana hofain'ny mpandrahara? Nahoana no ny MBS irey no halaina? Tsy adala akory ny mpanara-baovao ka tsy hahalala hoe ankasomparana atao'ny mpitondra sy ny mpiara-dia aminy indray io.

- GNVV : ahoana indray ny fahitanao ny momba ny raharaha AAA Magro?

- TR : torak'izay koa ny Magro, saingy resaka hetra indray no voizina, tsy raharahan'ireo mpandoro sy mpandroba tam'in'y 2009 na dia efa miezaka mampiseho ny antontan-taratasy mana-



Tax Ramiaranjato, tanora mpamakafaka politika.

porofo ny hetra voalao aza ny tompon-andraikirity ny Magro, satria efa ny hanakotana sy hamotika fanindroany an'io orinasa Gasy io no tanjony. Iraha-mahita izany. Tsy amin'izao fotoanan'ny hamehana izao no tokony hisy an'izany fitakiana hetra izany, fanampiana ny orinasa sahirana noho ny valanaretina coronavirusts aza no tokony ha- taon'ny mpitondra.

- GNVV : mahavoa ny filoha Marc Ravalomanana ve izao sotasota atao amin'ny orinasa Malagasy izao?

- TR : eny, ho voa indray ny Filoha Marc Ravalomanana satria tsy afa-manoatra manoloana ireto tsy maty voalavo an-kibo ireto, azy ireo ny fitondra, ka izay tiany atao,

fantatsika tsara angamba fa efa betsaka ihany izay fitoriana nataon'ny antoko TIM tamin'ny hosoka fifidianana nisy teto izay, saingy resena eny anivon'ny fitsarana foana ny Tim, ny tanjona dia ny hanimbana ny « carrière politique » an' ny Filoha Marc Ravalomanana. Ankehitriny, ny orinasa izay najorony indray no atao lasibatra. Ary ho latsalatsaina amin'ny fanesoana hoe "Resy Lava", ny tena izy anefa : "resin'ny mpangala-bato lava". Taloha "mpandoro sy mpandroba", ankehitriny "mpanakatona tsy ara-drariny" indray ry Rajoelina sy ny forongony.

- GNVV: inona ary ny tokony ho fepetra rai-sin'ny mpomba an'i Dada manoloana izany?

- TR : mila mandray fepetra ny antoko Tim sy ny mpanohana azy, tsy mety intsony ny mangina sy mandefitra, ampy izay, eto aho dia mahatsiaro ilay hoe : "TSY MAINTSY MIPAOKA NY TAKO-BILANY", mila aseho ny équilibre de force, tsy Resy Lava akory fa "pote-hina lava", ka hanaiky foana toy ny vatomampy angerezam-borona ve? Asehoy ny Firaitsinkina ry zanak'i Dada.

Nangonin'Isambilo

Valanaretina coronavirus

Niampy iray ny lavo omaly, 20 ny tranga vaovao, 30 no sitrana

Niampy 1 ny lavon'ny valanaretina coronavirus omaly teto Madagasikara, tany amin'ny faritra Diana io olona iray namoy ny ainy io. 20 ny tranga vaovao, noho izany 14863 hatreto no mitondra sy nitondra ny tsimokaretina corona eto amintsika hantamin'ny volana martsa lasa teo. Ny olona sitrana dia 30, ny totalin'ny sitrana izany dia 13832. Ny marary mafy kosa dia 45, nihena 8 tamin'ny andron'ny omaly. Ireo olona 30 sitrana:

- . 9 tany Diana
- . 5 tany Ihorombe
- . 7 tany Bongolava
- . 3 tany Amoron'i Mania
- . 2 teto Analamanga
- . 1 tany Vakinankaratra
- . 1 tany Betsiboka
- . 1 tany Sava
- . 1 tany amin'ny faritra

Anôsy.
Ho an'reo tranga vaovao 20:
. 15 eto Analamanga
. 2 any Matsiatra Ambony
. 2 any Sava
. 1 any amin'ny faritra Sofia.

Mbola eto amintsika ny valanaretina coronavirus, noho izany mila manaraka ny fepetra ara-pahasalamana hatrany ny rehetra.

Aly



Ny tarehi-marika avy eny amin'ny CCO covid 19 Ivato omaly.



"Ary amin'izay ny Zanak'olona dia ho hita avy eo amin'ny rahona amin'ny hery lehibe sy ny voninahitra."

Marka 13:26

facebook

NY VALOSOA
Gazety misheo Intelo Ison-Kerinandro VAOVAO

Famotorana olona ambony, manao mizana tsindrin'ilà ny BIANCO



Marcel Razafimahatrata : hatr@ oviana ry Tale Jeneralin'ny Bianco no misy jiolahy mangalatra tratra dia hoe aleo hilamina vao hatao ny fanadihdiana, fa mbola misamboaravoara ny toe-draharaha? Tena manao mizana tsindrin'ilà ianareo BIANCO raha izany. Manao resak'ovy mihtsy.

Rindra Aina : tena mihevitra ny olona ho vendram-belona mihtsy ny Bianco. Tamin'ny raharaha bonbon sucette tonga dia nirosoana ny fandihadiana dia nisy avy hatrany tale jeneraly sy tale nidoboka. Tsy tokony hisy ny tombo sy hala.

Naly Rakotonoeley : dia ho very anjevony sahala amin'ny tsifoky ny Mpifana izany io raharaha io! Ilay raharaha écran plat sy ny ministry ny atitany mivady.

Naly Rakotonoeley : izay no tiana hatongavana, tadiavina ho sarontsaronana fotsiny ilay raharaha ecran plat ity. Efa mazava ny nolazain'ny PNUD.

Haingoarimanana Razanamahandy : manomboka amin'izao angamba dia tsy hisy voasarin-godringotra intsony ireo mpitondra mpanao kolikoly sy mpanampatra fahefana satria efa ny Bianco no miteny fa tsy azo atao ny famotorana satria mbola misavorovoro. Nakatona ny Magro, ny MBS tadiavina hoesorina, izany ve tsy mampisavorovoro, nefatao'ireo mpiara-dia amin'ny fitondra ihany. Tokony handeha ny fandihadiana amin'ity raharaha CCO sy ecran plat, sy ny ministry ny atitany mivady ity.

Frayel Frayel : trondro be zany tsy fandenika, hoy ny fiteny, fa ny trondro madinika ihany no mihinana ny tadiny eo, tena tsy rariny, misy fanavakavana.

Alfred Rasendra : ka efa hoe saribakoly be vava fa tsy sahy hikitika an'reo fa mazava ho azy fa ho voadaka ao. Na ny an'i Claudine aza tsisy dikany oharina @ ny Bonbons sucettes sy ny écrans géants ny ministre mivady, fa i Claudine nogadraina i Mr ministre manohy ny bizina izany.

Gasy Rabekoto : rabekoto ity RA IO MINISITRA IO TSY MANINONA RA MIGADRA FA NY TENA HATAHORAN'I ANDRY NIRINA RAOJELINA DIA ILAY VADINY HIGADRA MANAHIRANA NY HANAMPIM-BAVA VEHVAVY NA INONA NA INONA HAVOAKANY DAHOLO IZAY FANTANY, INDRINDRA NY HALABATO NAHALANY AN-DRAJOELINA.

Aristide Zafindramaro : incroyable ! "Planète des singes" (titre de film io ho antsika tsy mahalala) aza mbola misy logique de gouvernance. Ity tena tsy misy bonne gouvernance intsony fa

tena efa mihoatra ny mety ilay fanaraoratam-pahefana sy kolikoly natao.

Raketaka Rahaingo Raketamanga : aleo kosa mba hilamina aloha ee ... manakatona ny Mbs sy Tiko ary tripleA zao aloha no azo atao sy tsy maintsy atao, izany aza no tena mampikorontana sy mampisamboaravoara satria olona firy no very asa ao anatin'izany ?

Luc Rakotozanany : de tsy hitako izay ilàna ny Bianco, Pac sy Hcj raha toy izao, tokony hosokafana ny famotorana, aiza koa no misy mpangalatra efa hita fa ahiahiana izao dia mbola avela aloha fa hoe mbola mampikorontana, tena tsy izy izany.

Alain Randria : dia gaga ny tena ! Sao dia heveriny ho bado àry ny olona dia hino fahatany izany resany izany ! re-hefa ahiahiana dia tokony hosokafana ny famotorana, volam-bahoaka io, ary vola notrosaina koa ka ny vahoaka rehetra ihany no hamerina azy, ka tokony hatao ny fanadihdiana ihany koa momba ity resaka ecran plat eny amin'ny CCO Ivato ity.

Jean Claude Rasoamahefa : oh ry Bianco ah, mba zahao kely ry zareo ao am Bianco ao fa misy raha tsy milam ao oh! Aza asiana tombo sy hala fa re-hefa tokony hosokafana ny famotorana dia sokafy e !

Lisy Ravolason : hay ve afaka miantdry toy izany izy ity e, ary maninona no tsy niandry fitoniana tamin'ilay resaka bonbon 8 milliards ? Misy tompon'andraikitra ambony notanana vonjimaika any amponja mantsy tamin'iny. Dia maninona ity no miandry fitoniana? Foano any koa ity Bianco ity fa tena mitanila.

ADY AMIN'NY ASAN-DAHALO

Avotra ilay zazalahy kely nataon'ny dahalo takalon'aina sy omby 124

Miseho lany ny tsy fandriampahale-mana noho ny asan-dahalo amin'izao fotoana any amin'ny distrik'an-Amboasary Atsimo, faritra Anôsy iny. Na izany aza, tsy miraviravy tanana ireo fokonolona ampian' ireo mpitandro filaminana miasa any an-toerana. Noho izay ezaka izay, azo teny am-pelatanan'ny dahalo ny zaza lahy kely iray nataony takalon'aina ary ny omby 124 nangalariny,



Ilay zazalahy kely, votsoatra teny am-pelatanan'ireo dahalo.

Tsy fandriampahalemana

Jiolahy 8 lahy nanafika ny foiben'ny FITRAMA 67 ha

Nisy nanafika ny foiben'ny FITRAMA, Fitsaboana Tradisionaly Malagasy, etsy amin'ny 67 ha. Araka ny vaovao voaray, jiolahy 8 lahy mitam-basy no voalaza fa nanafika ity toerana ity. Ity trano ity koa dia trano misy ny biraon'ny filohan'ny Hafari Malagasy, Jean Nirina Rafanomezantsoa, ary ny alin'ny zoma lasa teo no nitrangan'izao fanafihana izao. Mpambina roalahy no naratra mafy voadaro sady notsindromin' ireo tsy mataho-tody tam'in'ny zava-marantitra. Ity toerana ity dia fone-nan'Andriamatoa Rafanomezantsoa Jean Nirina ihany koa sady misy ny foibe ny mpitsabo malagasy "FITRAMA". Rehefa



Mpambina voadarok'ireo jiolahy tetsy amin'ny 67 ha.

nohalalina ny tranga dia ingahy Filoha Jean Nirina mihitsy no ahiana ho no-

kendrena tamin'ilay asa ratsy. Talohan'io nipetraperaka teo ivelan'ny tra-

tany amin'ny fokontany Sakafia, ao amin'ny kao-minina Marotsiraky distrik'an-Amboasary, faritra Anôsy iny afak'omaly alahady. Izao vokatra izao no azo dia noho ny fahaizamanao nasehon'ny Hery manokan'ny ZRPS Alpha 1, avy amin'ny Tafika Malagasy, manampy amin'ny ady amin'ny tsy fandriampahalemana any an-toerana.

Stefy

Kilonga madinika mpiadina maherin'ny 143 000 no matrika ny fanadinam-panjakana Cepe amin'ity andro talata ity. Mpiadina andiany voalohany izy ireo izay mit-sinjara amin'ny faritany roa eto amin'ny Nosy dia ny eto Antananarivo sy Antsiranana. Zava-dehibe ho azy ireo ny matrika izany fanadinana voalohany amin'ny fiananay izany, ary tonga ihany izy ity rehefa niaina tao anaty fitaintainana nandrity ny fotoana ela niaraka tam'in'ireo ray aman-dreniny ireo mpianatra. Na dia nisy aza ny fietsik'ireo tomponandraiki-panjakanana nizara fitaovam-pianaranana tetsy sy teroa hiatrehan'ny mpianatra izao fanadinana izao, dia mazava loatra, fa tsy ny mpiadina rehetra no nistraka izany sy ho vitan'ireo mpizara. Tsy maintsy adino ihany ny tany amin'ny sekoly hafa. Ilay fietsika koa tsy tena finiavana sy fitiavana ireo kilonga Malagasy avy amin'ny sarambabem-bahoaka sy ireo ray aman-drenin'izy ireo, fa iaraha-mahalala fa kajikajy politika hatrany izany satria efa tandra vadim-koditr'ity fitondrana ity izany. Tsy politika mazava efa nofaritana hatramin'izay niakarana teo amin'ny fitondrana ihany koa, fa fisarangotan'asa tsy niomanana manoloana ny lesoka maro samihafa hatramin'izay sy ny mipoitra tato ho ato, izay saiky lasibatry ny fanakianana marobe.

Afaka herinandro indray ny andiany faharoa amin'ny mpiadina matrika izao fanadinana Cepe izao, ary amin'ny tapa-bolana ny andiany fahafetelo farany any amin'ireo faritany hafa. Ho hita eo ny fizotrany, ary ny iarihana dia tsy hitovy tamin'ny fanadinana andrananatao andro maromaro lasa, izay nahenoina tany amin'ny fari-piadihana sasany fa nisy maro no tsy tonga niatrika izany, izay nisy tany amin'ny 30% mihitsy. Efa noeza'hin'ny tomponandraikitra ny namaha ny olan'ny mpiadina sasany amin'izay tsy hahatongavanvany matrika izany, ka dia ho hita eo ihany raha na-homby izany. Hanao ahoana ihany koa anefa ny lentam-pahaizan'izy ireo, satria nambara fa samihafa tsy hitovy ny lazadina amin'ireo andiany telo ireo? Han-drasana ny fitsarana ny fanadinana sy ny vokatra.

Radafy

Kaominina Manjakandriana

Nahazo tohana avy amin'ny Gender Links Madagasikara ireo vehivavy

Tanteraka soamantsara ny fifanaovan-tsonia ho fana-mafisana ny fiaraha-miasa eo amin'ny Gender Links Madagascar sy ny Commune urbaine Manjakandriana, faritra Analamanga. Ny kaominina dia miantsehatra tanteraka amin'ny ady amin'ny herisetra mianjadi amin'ny vehivavy ary mandala tanteraka ny fitovian-jomisy eo amin'ny olombelona rehetra araka ny voalaza ao amin'ny Lalana maneran-tany mahakasika ny zon'olombelona (DUDH). Manao ny ezaka rehetra isika mba hanatratrana ny tanjona fahadimin'ny fam-pandrosoana lovainjafy (objectif 5 de l'ODD), hoy ny ben'ny tanana, Andriamatoa Fitia Rakotondrahirastra nandritra izany. Tsy mikeliy soroka isika mba hisian'ny miralenta sy ho fampanganana fahaleovantena ny vehivavy. Maro ny tombontsoa ho azon'ny vehivavy eto Manjakandriana noho ity fiarahaniasa ity. Anisan'izany ohatra ireo fampiofanana sy fanohanana amin'ny se-hatry ny fandrahaharaha, ny teknolôjia, ny serasera, sns... Ireo vehivavy mendrika amin'ny ady atao amin'ny herisetra kosa dia hahazo fivoahana mankany Afrika Atsimo araka ny tafatatafina nifanaovana tamin'ireo tompon'andraikitry ny Gender Links Madagasikara.

Aly



Iaon'ny Barea teo. Zary toa mievaeva eny ambony tsy misy mpanaradia eo ambaniny anefa izany. Mikasary toy ny lo-hamasinina matanjaka efa mandeha, fa ny mpanaraka azy kosa tsy vagao fitondrana mpan-deha, fa irony ilay lamasi-nina kely iray ampisaina amin'ny famonjena olana ara-teknika na lâlana irony. Tsy misy mantsy ankehitriny eto amin'ny ferenena ireo klioba azo antoka manana tanjaka sy fepetra takiana sy ilaina toa azy ireo. Tsy lavina mety misy mpilalao ma-

hay ihany ao aminy saingy isaina amin'ny rantsa-tànana izany. Raha hitady mpilalao mahay azo antoka, aiza no hahitana izany eto? Mianona fotsiny amin'ireo fiha-nan-dalao eny amin'ny kianja lehibe na latsak' izay ireo tomponandraikitra mpitily mpilalao mahay. Tsy voajerin'ireo ny ifotony mety hoavin'ity baolina kitra Malagasy ity. Tsy lavina, misy ny teratany Malagasy manao baolina kitra ary mety mahay any ivelany. Misy koa anefa eto, saingy tsy hitan'ireo mpitily mpilalao ao amin'ny klioba na ligy na ekipam-pirenena. Raha tsy miâla koa anefa ny toe-tsaina manavakavaka mpilalao, izay efa nisy izany nandrity ny taona maro, dia mbola ho lavitra ny lâlana tena hipetrahan'ny baolina kitra Malagasy amin'ny maha izy azy eo amin'ny fifaninana iraisam-pirenena.

Radafy



Ny fifanaovan-tsonia teo amin'ny kaominina Manjakandriana sy ny avy amin'ny Gender Links Madagasikara.

Mpiandry raharaha

PHARMACIES DE GARDE
29/08/20 hatramin'ny
05/09/2020

- **Miaro** (Galerie Miaro Ampefiloha), 020 22 621 18

- **OCEAN INDIEN** (Analakely, avenue de l'Indépendance), 020 22 224 70

- **METROPOLE** (Antaninanarenina), 020 22 200 25, 020 22 675 22, 033 15 200 25, 032 07 101 71

- **ANTANIMENA** (Imm Santa Antanimena, près Chocolaterie Robert), 020 22 200 00, 032 56 914 77

HJRA (urgences) :
033 11 890 58 /
22 279 79

HOMI Soavinandriana :
22 397 51

Hopital Befelatanana :
22 223 84 / 22 6 N72 21

Hopital Loterana Ambobibao :
22 441 88 / 22 485 17

Clinique des Soeurs
Ankadifotsy : 22 235 54

Ambulances municipales :
22 200 40

Jirama:
Telma : (22)3547 (n° vert) /
Airtel : 03 35 47 / Orange :
032 32 3547

Pompiers :
Tél : 118/22 250 18/
22 225 66

Police :
Hôtel Central de Police :
17 / 22 227 35 / 22 357 09

1° Arrondissement
Tsaralalana : 22 280 54
2° Ambanidra : 22 309 46
3° Antaninandro : 22 291 30
4° Isotry : 22 280 51
5° Mahamasina : 22 280 48
6° Ambohimanarina :
22 225 52
7° 67 Ha : 22 291 29
8° Analamahitsy : 22 493 25
Brigade criminelle :
22 216 78 / 22 210 29 /
22 674 83 na 84

GIR : 22 227 35

Gazetim-baovao mifetho
intelo
isan-kerinandro
Vidiny: 300 Ar
Adiresy: lot T 70 Ankadindratombo

TALEN'NY FAMOAHANA :
Rahelisoa A.
034 79 07600

MPANAO GAZETY

Politika:
Isambilo: 033 24 783 65
Rajo: 033 80 022 53
Andry Tsivalona 032 07 744 55

Toe-karena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanatanjahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrahana 1061-09-2020
Isan'ny natonta: 10 000

Tsy azo adika, na alain-tahaka, na
antsaina ampiabihemaso
raha tsy ahamoana alalana vita
soratana ny amin'ny
tompony

FAAINANA ANDAVANANDRO

Tsy mbola voavaha hatrany ny fahatapahan-jiro sy ranon'ny Jirama

Hasorenana hatrany ny manjo ny mponjifa ny jiron'ny orinasa Jirama. Tsy maintsy misy isan'andro mantsy ny fahatapahan-jiro hatramin'izao. Ny nianana ny alahady teo, ohatra, dia indroa ny fahatapahan farafahakeliny teny amin'ny kaomina iray eo amin'ny distrik'an' Antananarivo atsimondrano iny. Na dia vetivety ihany aza ny fotoana fahatapahan'ny jiro teny antoerana, dia mety haritra kokoa noho izany ny tany amin'ny toeran-kafa. Iaraha-mahalala anefa ny vokatry ny fahatapahan'ny rian'aratra (courant électrique) tam-poka izay eo amin'ny fitaovana ampiasain'ny vahoaka mpanjifa, na ao an-tokantrano na any amin'ny toeram-piasana. Efa maro ireo fitaovana simba vokatry ny fiakaranan'ny tanjaky ny rian'aratra tampoka, indrindra rehefa izy miverina iny. Tsy mbola novahan'ny orinasa Jirama ireny fahavoazan'ny mpanjifa ireny ary tsy mbola nahenoina fanonerana sy fanomezana fahafaham-po ho an'ny mpanjifa nitran-

gan'ny olana. 20 volana naha teo amin'ny fitondrana an-dRajoelina, tsy mbola milamina, fa mbola miaina ny fahatapahan-jiro na rian'aratra ny mpanjifa. Ny rano koa torak'izany amin'izao fo-toana, efa ho 5 andro izao, fokontany maro eto

Antananarivo renivohitra sy ny manodidina toy ny Atsimondrano tsy misy rano ; ka tena sahirana tanteraka ny mponina amin'ny fakana rano, ny amin'ny paompy iombonana koa zara raha misy. Ankoatra ny fahatapahan'ny rian'aratra na jiro

izay, dia mbola be ireo olan'ny mpanjifa no tsy voavahan'ny Jirama. Milaza ho manome vaholana ihany ny orinasa kanefa hita ho tsy mahava tanteraka ny olan'ny mpanjifa izany. Manaporofo izay ny fisian'ireo mpanjifa lasa voatery

mianona sisa amin'izay kajy amin'ny faktiora ataon'ny Jirama eo, fa leo izy ireo. Maro amin'ireo manao fitarainana mantsy no henoin'ny tomponan-draikitra ihany saingy toa ny eo ihany no eo fa tsy voavaha tanteraka ny olana.

Radafy

TIKO Vatofotsy Antsirabe

Olympiko : rano natoraly madio sahaza ny olon-drehetra

Anisan'ny vokatra vokarin'ny orinasa Tiko koa ny rano fisotro ara-pahasalamana Olympiko. Amin'ity herinandro dia io vokatra io indray no ampahafantarin'ny Tiko Vatofotsy Antsirabe ny mpanjifa. Ny "Olympiko" dia rano natoraly nalaina avy amin'ny loharano avy eto Madagasikara ihany: Tsararano. Mety tsara amin-tsika izy noho izany satria avy eto an-toerana ihany no nakana azy. Voadio tsara izy, ary efa voasivana tsara avokoa ny loto rehetra tao anatiny, mba ho tena ara-pahasalamana tsara. Amin'ny maha rano fisotro madio azy dia manadio tsara ny maloto rehetra any anaty vatana izy. Fa ankoatr'izay ihany koa, ny mampiavaka azy amin'ireo rano fisotro hafa dia misy ireto singa manaraka ireto:

- calcium 2,4%
- magnesium 0,6%
- sodium 4,7%
- potassium 2,0%
- chloride 7,1%

Misy amin'ny tavoahangy lehibe 1,5l sy amin'ny tavoahangy kely 0,5l ny "Olympiko" izay vokarin'ny orinasa Tiko. Afaka misotro azy avokoa ny olona rehetra fa tsy mifidy sokajin-taona.

Amporishana hatrany isika mba hisotro rano 1,5l

isan'andro, mba ho tomombana tsara ny fahasalamantsika. Koa anisan'ny manampy betsaka antsika amin'izany ny fisotroana ny "Olympiko". Jifao hatrany ny vita Malagasy.


Aly



Rano natoraly madio vokarin'ny orinasa Tiko.

BEHARO

Teny tondro (Ny Valosoa Vaovao) N° 316



Misy ny teny Malagasy ofisialy sy ny tenim-paritra

Ohatra : Valy = Vady

BL = Bory Loha
BR = Bory Rambo

MIV = Mivadika
MIK = Mikorontana

Mitsivalana

1. Fanatrehana
2. Tsirin-teny (miv) - Antoka
3. Hidin-drano
4. Rano - Androany (miv)
5. Nasondrotra
6. Lera - Manaisotra (miv)
7. Naoty - Fanitarana - Isa romana
8. Hanina (miv) - Tovona (miv)
9. Eo alohanao
10. Tsinjovina, alofana - Heno

Mitsangana

- A. Vahoaka mpiara-monina
- B. Zava-maneno (miv)
- D. Very - Voaray
- E. Tolorana - Afapo ara-tsakafo (miv)
- F. Zanaka aman-jafy
- G. Menaka (BR) - Fitaovana fitondrana rano (BR)
- H. Apetrakay - Faranteny
- I. Notsikeraina
- J. Nandray (miv) - Aviavy (miv)
- K. Voay (miv)

Valiny Teny mifanaraka 0315

Mitsivalana

- Mitokona
- Tiona - (V)at(a)
- Alimo (miv)
- Naka
- Tenenina
- Adala - Ar
- Tra - DR (miv)
- Metatra
- Ery
- Tontosa
- Ome
- Kintana
- Oly
- Nandaka
- Ratra (miv)


Mitsangana

1. Tovovana 2. Rasalama (miv)
3. Iahareo - To 4. Aloka - Tsy
5. Ma (miv)
- Vaiavy
6. Moana
7. Seranana
8. Haireare
9. Tarihy (miv) - Si
10. Masina (miv)
- A. Tsia - Mahia B. Alao - AA D. Ranomasina E. Kamo (miv) - Nery F. Varavarana G. Ela (miv) - Nara (miv) H. Naoty - Nety I. As - Sasao J. Vita (miv) - Sa K. Aro - Mitafy (miv)

An-tsary misongadina Ny Valosoa Vaovao

Ireo Mpanolotsaina monisipaly TIM teny amin'ny Prefektioran'ny polisy teny Tsimbazaza omaly.

Helisoa



Mampitangoron'olona hatrany ny fizarana «Vatsy Tsinjo» teny Ankaraobato omaly.



Ny fahasimban'ny lalana etsy Ankadilalana, toa tsy hitan'ny kaominina mihitsy.